


唐詩所前集

八之九

八

三言四言古詩
五言古詩



漢書門類			
三	八	一	
二	〇	八	
冊	函	四	
		三	
		號	

內閣文庫			
三	一	漢	
九	八	書	
函	〇		
一	三		
六	四		
架	三		
	號		

內閣文庫	
番號	漢 11843
冊數	32 (8)
函號	319 124



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



Kodak, 2007 TM: Kodak



唐詩所第八卷

古詩

淺草文庫

前集

三言

遊長寧公主流杯池

二一首

上官昭容

逐仙賞展幽情踰崑閬邁

一作蓬瀛

蓬瀛

遊魯館陟秦臺汚山壁愧瓊瓌

南樓翫月聯句

喜嘉客闢前軒天月淨水雲昏

顏真卿

鴈聲苦蟾影寒聞

裊浥滴檀欒

陸羽

歡宴處江湖間

清光留不住

李萼

高駕動清角催惜歸華重徘徊

晞客將醉猶宛轉照深意

陸士修



四言

酬諸公見過

王維

嗟予未喪哀此孤生屏居藍田薄地躬耕歲晏輸稅以
奉粢盛晨往東臯草露未晞暮看煙火負擔來歸我聞
有客足掃荆扉簞食伊何驅瓜抓棗仰廁羣賢皤然一
老愧無莞篔簹班荆席藁汎汎登陂折彼荷花靜觀素鮪
俯映白沙山鳥羣飛日隱輕霞登車上馬倏忽雨散雀
噪荒村雞鳴空館還復幽獨重欷累歎

遊長寧公主流杯池

五首

上官昭容

檀欒竹影颺颺松聲不煩歌吹自足娛一作情

仰循茅宇俯眇喬枝煙霞問訊風月相知
枝條鬱鬱文質彬彬山林作伴松桂為鄰
清波洶湧碧樹冥蒙莫怪畱步因攀桂叢
莫論圓嶠休說方壺何如魯館即是仙都

喜雨

奉和聖製

張九齡

艱我稼穡載育載亭如一作隨物應之曷聖與靈謂我何
憑惟德之馨誰云天遠以誠必至太清無雲羲和頓轡
于斯蒸人瞻彼非覬陰冥倏忽霈澤咸洎何以致之我
后之感無臯無隰黍稷黯黯無卉無木敷芬黷黷黃龍
勿來鳴鳥不思人和年豐皇心則怡豈與周宣雲漢徒

詩

燭龍齋祭 奉和聖製

上帝臨下鑒亦有光孰云陰隲惟聖克彰六月徂暑四
郊愆陽我后其勤告于壇場精意允溢羣靈鼓舞蔚以
朝雲霈然時雨雨我原田亦既有年燭龍煌煌明
宗報祀于以助之天人帝子聞詩有訓國風茲始

倬彼我系 王勵序曰倬彼我系舍弟魏州參軍勃
所作也傷迫乎家貧道未成而受祿不

得如古之君子四十強而仕也故本其情性原
其事業因陳先人之迹以議出處致天爵之艱
難也

王勃

倬彼我系出自有周分疆錫社派別枝流居衛仕宋匡

羸相劉廼武廼文或公或侯晉曆崩圻衣冠擾弊粵自
太原播徂江澨禮喪賢隱時屯道閉王室如燬生人多
殪伊我有器思逢其主自東旋西擇木開宇田彼河曲
家乎汾浦天未厭亂吾將誰輔伊我祖德思濟九埏不
常厥所于茲五遷欲及時也夫豈願焉其位雖屈其言
則傳爰述帝制大蒐王道曰天曰人是祖是考禮樂咸
若詩書具草貽厥孫謀永為家寶伊余小子信慙明哲
彼網有條彼車有轍思屏人事克終前烈于嗟代網卒
余來緘來緘伊何謂余曰仕我瞻先達三十方起夫豈
不懷高山仰止願言毓德啜菽飲水有烏反哺其聲嗷

言四言 卷八
三
嗷言念舊德憂心忉忉今我不養歲月其滔僂俛從役
豈敢告勞從役伊何薄求卑位告勞伊何來參卿事名
子實與信德義靜言遐思中心是愧

詠尹字

蘓頌

丑雖有足甲不全身見君無口知伊少人

唐詩所第九卷 古詩
前集
古意 六首
王績
幽人在何所紫巖有仙躅月下橫寶琴此外將安欲材
抽嶧山榦徽點崑丘玉漆抱蛟龍脣絲纏鳳凰足前彈
廣陵罷後以明光續百金買一聲千金傳一曲世無鍾
子期誰知心所屬
竹生大夏谿蒼蒼富奇質綠葉吟風勁翠莖犯霄密霜
霰封其柯鷓鸞食其實寧知軒轅後更有伶倫出刀斧
俄見尋根株坐相失裁爲十二管吹作雄雌律有用雖

唐詩所第九卷

古詩

前集

五言

古意 六首

王績

幽人在何所紫巖有仙躅月下橫寶琴此外將安欲材
抽嶧山榦徽點崑丘玉漆抱蛟龍脣絲纏鳳凰足前彈
廣陵罷後以明光續百金買一聲千金傳一曲世無鍾
子期誰知心所屬

竹生大夏谿蒼蒼富奇質綠葉吟風勁翠莖犯霄密霜
霰封其柯鷓鸞食其實寧知軒轅後更有伶倫出刀斧
俄見尋根株坐相失裁爲十二管吹作雄雌律有用雖

自傷無心復招疾不如山上草離離保終吉

寶龜尺二寸由來宅深水浮遊五湖內宛轉三江裏何
不深復深輕然至溱洧溱洧源流狹春秋不濡軌漁人
遞往還網罟相縈囁一朝失運會剝腸血流死豐骨輸
廟堂鮮腴藉邊簋棄置誰怨尤自我招此否餘靈寄明
卜復來欽所履

松生北巖下由來人徑絕布葉捎雲煙插根擁巖穴自
言生得地獨負凌雲潔何時畏斤斧幾度經霜雪風驚
西北枝電隕東南節不知歲月久稍覺枝幹折藤蘿上
下碎枝幹縱橫裂行當糜爛盡坐共灰塵滅寧關匠石

無爲嗟大耋
言爲王孫折盛衰自有時聖賢未嘗屑寄言悠悠者

桂樹何蒼蒼秋來花更芳自言歲寒性不知露與霜幽
人重其德徙植臨前堂連拳八九樹偃蹇二三行枝枝
自相糾葉葉還相當去來雙鴻鵠棲息兩鴛鴦榮蔭誠
不厚斤斧亦勿傷赤心許君時此意那可忘
彩鳳欲將歸提羅出郊訪羅張大澤已鳳入重雲颺朝
棲峴閭木夕飲蓬壺漲問鳳那遠飛賢君坐相望鳳言
荷深德微禽安足尚但使雛卵全無令繒繳放皇臣力
牧舉帝樂簫韶暢自有來巢時明年阿閣上

古意 一首 一作祖詠

常建

牧馬古道傍道傍多古墓蕭條愁殺人蟬鳴白楊樹回
頭望京邑合沓生塵霧富貴安可常歸來保貞素
明月照高閣綵女褰羅幕歌舞臨碧雲簫聲沸珠箔青
鸞臨南海天上雙白鶴萬里齊翼飛意求君門樂玉霄
九重閉金鎖夜不開兩翅一作翻自無力愁鳴雲外來態
深入空貴世屈無良媒俛仰顧中禁東飛白玉臺

古意 一首

賀蘭進明

秦庭初指鹿羣盜滿山東忤意皆誅死所言誰肯忠武
關猶未啓兵入望夷宮為崇非涇水人君道自窮

樂府生澗底香氣滿幽林采采欲為贈何人是同心日
暮徒盈把徘徊憂思深慨然紛雜佩重奏丘中琴

古意

邢象玉

家中酒新熟園裏葉一作木初榮佇杯欲取醉悒然思友
生忽聞有奇客何姓復何名嗜酒陶彭澤能琴阮步兵
何須問寒暑徑共坐山亭舉袂祛啼鳥揚巾掃落英心
神無俗累歌詠有新聲新聲是何曲滄浪之水清

古意

戴休珽

窮秋朔風起滄海愁陰漲虜騎掠河南漢兵屯灞上羽
書驚沙漠刁斗喧亭障關塞何蒼茫遙一作邊烽遞相望

弱齡負奇一作雄節俠客多招訪投筆棄書一作縵生提戈

逐飛將視君封侯相四句

古意 閔寬

庭樹發華滋瑤草復葳蕤好鳥飛相從愁人深此時天
中有靈匹日夕蠶蛾眉願逐飄風花千里入遙帷心逝
愛不見空歌悲莫悲

古意 崔國輔

紅荷楚水曲彪炳爍晨霞未得兩回摘秋風吹却花時
芳不待妾玉珮無處誇悔不感年時嫁與青樓家

古意 王昌齡

桃花四面發桃葉一枝開欲暮黃鸝轉傷心玉鏡臺
箏向明月半夜春風來

古意 崔曙


綠筍總成竹紅花亦成子能當此時好獨自幽閨裏夜
夜苦更長愁來不一作劇如死

古意 蔣冽

冉冉紅羅帳開君玉樓上畫作同心鳥銜花兩相向春
風正可憐吹映綠窓前妾意空相感君心何處邊

古意 李白

君為女蘿草妾作兔絲花輕條不自引為逐春風斜百



丈託遠松纏緜成一家誰言會回一作易各在青山崖
女蘿發馨香兔絲斷人腸枝枝相糾結葉葉競飄揚生
子不知根因誰共芬芳中巢雙翡翠上宿紫鴛鴦若識
二草心海潮亦可量


古意 春潮 宋之問

院梅發向盡園鳥復成曲落日遊南湖果擲顏如玉合
情不得語轉盼知所屬惆悵未可歸寧關須采一作菜

古意 薛記室收過莊見尋題贈 王績

伊昔逢一作遭喪亂歷數適一作間當餘豺狼塞衢路桑梓
成丘墟吾一作余及爾皆亡東西各異居爾為背一作培風

鳥我為涸轍魚逮承雲雷後欣逢天地初東川一作聊
下釣南畝試揮鋤資稅幸不及伏臘常有儲散誕時須
酒蕭條懶向書朽木不可雕短翮將焉攄故人有深契
過我蓬蒿廬曳裾一作履出門迎握手登前除相看非舊
顏對接一作忽若形骸疎追道一作憚宿昔事切切心相於憶
我年少時攜手遊東渠梅李夾兩岸花枝何扶疏同志
亦不多西莊有姚徐嘗愛陶淵明酌醴焚枯魚嘗學公
孫弘策杖牧羣猪追念甫如昨奄忽成空虛人生詎能
幾歲歲一作感迫常不舒賴有北山僧教我以真如使我視
聽遣自覺塵累祛何事須筌蹄今已得兔魚舊遊倘多



暇同此釋紛拏

古意

贈孫丑一作徐仁友

崔湜

南望緱氏山

嶺一作

山居共澗陰東西十數里緬邈方寸

心雲日落廣庭

夏一作

鶯花坐

對一作

孤琴琴中多苦調悽

切誰復尋

古意

贈劉舍人

徐彥伯

深林闕靈鳥文章世所希巢君碧梧樹舞君青瑣闥或

言鳳池樂撫翼更西飛鳳池環禁林仙閣靄沈沈璇題

激流目

一作

珠綴綿清陰郁穆絲言重熒煌台座深風

張丹卮翻月弄素琴

一作

紫庭

一作

彩結不散孤英跂

莫尋浩歌在西省經傳恣潛心

一作浩歌向蕭渚婉戀故儔心

古興

薛據

日中望雙闕軒蓋揚飛塵鳴珮初罷朝自言皆近臣光

華滿道路意氣安可親歸來宴高堂廣筵羅八珍僕妾

盡綺紈歌舞夜達晨四時固相代誰能久要津已看覆

前車未見易後輪丈夫須兼濟豈能樂一身君今皆得

志肯顧憔悴人

古興

二首

沈微

蔓草自細微女蘿始天天黃緣至百尺榮耀非一朝惠
色高碧嶺流芳薄丹青如何摧秀木正為餘波漂莖葉

古詩 卷九
落巖跡英蕤從風颺洪柯不足恃况乃託陵苕
長安富豪右信是天下樞歲里笙歌發禁門冠蓋趨攀
雲無醜士唾地盡成珠日晏下雙闕煙花亂九衢恩榮
在片言零落亦須臾何意還自及曲池今已蕪

古興

常建

漢上逢老翁江口爲僵屍白髮沾黃泥遺骸集烏鴟機
巧自此忘精魄今何之風吹釣竿折魚躍安能施白水
明汀洲菰蒲冒深陂唯留扁舟影繫在長江湄突兀枯
松枝悠揚女蘿絲託身難憑依生死焉相知徧觀今時
人舉世皆爾爲將軍死重圍漢卒猶爭馳百馬同一銜

萬輪同一規名與身孰親君子固宜思

古興

王昌齡

握中銅匕首粉剉楚山鐵義士頻報讎殺人不曾缺可
悲燕丹事終被狼虎滅一舉無兩全荆軻遂爲血誠知
匹夫勇何取萬人傑無道吞諸侯坐見九州裂

古興

賀朝

晴日暖珠箔天桃色正新紅粉青鏡中娟娟可憐嘖君
子在遐險蕙心誰見珍羅幕空掩畫玉顏暗移春江瑟
語幽獨再三情未申黃鵠千里翅芳音遲所困

古興

趙氏

鬱蒸夏將半暑氣扇飛閣驟雨滿空來當軒捲羅幙度
 雲開夕霽宇宙何清廓明月流素光輕風換炎鑠孤鸞
 傷對影寶瑟一作琴悲別鶴君子去不還搖心欲何托
 金菊延清霜玉壺多美酒良人獨不歸芳菲豈常有不
 惜芳菲歎但傷別離久舍情罷斟酌凝怨對窓牖
 霽雪舒長野一作野寒雲半幽谷巖風振枯條啼猿抱冰
 木所嗟遊宦子少小荷天祿前程未云至悽愴對車僕
 歲寒成詠歌日暮棲林樸一作曲不憚行路險空悲年運
 促

古興 楚夕旅泊

岑參

獨鶴喚江月孤帆凌楚雲秋風冷蕭瑟蘆荻花紛一作紛
 忽思湘川老欲訪雲中君麒麟息悲鳴愁見豺虎羣

古風 六十一首

李白

大雅久不作吾衰竟誰陳王風委蔓草戰國多荆榛龍
 虎相啖食兵戈逮狂秦正聲何微茫哀怨起騷人揚馬
 激頽波開流蕩無垠廢興雖萬變憲章亦已淪一作淪自從
此建安來綺麗不足珍聖代復元古垂衣貴清真羣才
 屬休明乘運共躡鱗文質相炳煥衆星羅秋旻我志在
 刪述垂輝映千春希聖如有立絕筆於獲麟
 蟾蜍薄太清蝕此瑤臺月圓光虧中天金魄遂淪沒蟾

竦入紫微大明夷朝暉浮雲隔兩曜萬象昏陰霏蕭蕭
長門宮昔是今已非桂蠹花不實天霜下嚴威沈歎終
永夕感我涕沾衣

秦皇掃六合虎視何雄哉揮一作飛劍決浮雲諸侯盡西

來明斷自天啟一作雄圖大畧駕羣才收兵鑄金人函

谷正東開銘功會稽嶺騁望瑯琊臺刑徒七十萬起土

驪山隈尚采不死藥茫然使心哀連弩射海魚長鯨正

崔巍額鼻象五嶽揚波噴雲雷鬢蔽青天何由覩蓬

萊徐氏一作市載秦女樓船幾時迴但見三泉下金棺葬

寒灰

尸飛九千仞五章備絲珍銜書且喜歸空入周與秦

絕歷四海所居未得鄰吾營紫河車千載落風塵藥物

秘海嶽採鉛清谿濱時登大樓山舉手望仙真羽駕滅

去影懸車絕迴輪尚恐丹液遲志願不及申徒霜鏡中

髮羞彼鶴上人飛李何處開此花非我春唯應清都境

長與韓衆親

太白何蒼蒼星辰上森列去天三百里邈爾與世絕中

有綠髮翁披雲一作千春卧松雪不笑亦不語冥棲在巖穴

我來逢真人長跪問寶訣粲然忽自哂一作玉齒授以鍊

藥說銘骨傳其語竦身已電滅仰望不可及蒼然五情

熱吾將營丹砂永與世人別

岱馬不思越越禽不戀燕情性有所習土風固其然昔

別鴈門關今成龍庭前驚沙亂海日飛雪迷胡天蟻蝨

生虎鷄心竟逐旌旃苦戰功不賞忠誠難可宣誰憐李

飛將白首沒三邊

客有鶴上仙一作五鶴飛飛凌太清揚言碧雲裏一作仙人

綠雲自道安期名兩兩白玉童雙吹紫鸞笙去影忽不

見迴風送天聲一作飄然下倒舉首遠望之一一作我欲

飄然若流星願餐金光草壽與天齊頌一作遺我金光

將隨赤松去對博坐蓬瀛

咸陽二三月宮柳黃金枝一作百鳥綠幘誰家子一作

輕薄兒一作子西秦豪俠兒日暮醉酒歸白馬驕且馳意氣

人所仰一作傾冶遊方及時子雲不曉事晚獻長楊辭賦

達身已老草玄鬢若絲投閣良可歎但爲此輩嗤

莊周夢胡蝶胡蝶爲莊周一體更變易萬事良悠悠乃

一作知蓬萊水復作清淺流青門種瓜人舊一作昔日東

陵侯富貴固一作苟如此營營何所求

齊有侗儻生魯連特高妙明月出海底一朝開光曜却

秦振英聲後世仰末照意輕千金贈顧向平原笑吾亦

澹蕩人拂衣可同調

黃河走東溟白日落西海逝川與流光飄忽不相待春
 容捨我去秋髮已衰改人生非寒松年貌一作顏色豈長在
 吾當乘雲螭吸景駐光彩一作誰能學天飛三秀與君采
 松柏本孤直難爲桃李顏昭昭嚴子陵垂釣滄波間身
 將客星隱心與浮雲閒長揖萬乘君還歸富春山清風
 灑六合邈然不可攀使我長歎息冥棲巖石間
 君平既棄世世亦棄君平觀變窮太易探元一作玄化羣
 生寂寞綴道論空簾閉幽情騶虞不虛一作復來鸞鷲有
 時鳴安知天漢上白日懸高名海客去已久誰人能一作能
 測沈冥

胡風飭風沙蕭索

一作颯

竟終古歲

一作木

落秋草黃

望戎虜荒城空大漠邊邑無遺堵白骨橫千霜嗟我蔽
 榛莽借問誰凌霄天驕毒威武赫怒我聖皇勞師事輦
 鼓陽和變殺氣發卒騷中土三十六萬人哀哀淚如雨
 且悲就行役安得營農圃不見征戍兒豈知關山苦此
下有爭鋒徒死節乘鉞皆庸豎戰士沒蒿萊將軍獲圭組四句
李牧一作衛霍今不在邊人
 飼豺虎
 燕昭延郭隗遂築黃金臺劇辛方趙至一作往鄒衍復齊
 來奈何青雲士棄我如塵埃珠玉買歌笑糟糠養賢才
 方知黃鶴舉千里獨徘徊

寶劍雙蛟龍雪花照芙蓉精光射天地雷騰不可衝一
 去別金匣飛沈失相從風胡滅已久所以潛其鋒吳水
 深萬丈楚山邈千重雌雄終不隔神物會當一作逢
 金華牧羊兒乃是紫煙客我願從之遊未去髮已白不
 知繁華一作朱顏子擾擾何所迫崑山采瓊蕊一作可以煉
 精魄

天津三月時千門桃與李朝為斷腸花暮逐東流水前
 水復後水古今相續流新一作今人非舊人年年橋上游
 雞鳴海色動謁帝羅公侯月落西上陽一作上餘輝半
 城樓衣冠照雲日朝下散皇州鞍馬如飛龍黃金絡馬

頭行人皆辟易志氣橫嵩丘入門上高堂列鼎錯珍羞
 香風引趙舞清管隨齊謳七十紫鴛鴦雙雙戲庭幽行
 樂爭晝夜自言度千秋功成身不退自古多愆尤黃犬
 空歎息綠珠成纍讐何如鴟夷子散髮棹一作弄扁舟
 西嶽一作上蓮花山迢迢見明星素手把芙蓉虛步躡太
 清霓裳曳廣帶飄拂昇天行邀我登雲臺高揖衛叔卿
 恍恍與之去駕鴻凌紫冥俯視洛陽川茫茫走胡兵流
 血塗野草豺狼盡冠纓

昔我遊齊都登華不注峰茲山何峻秀綠翠如芙蓉蕭
 颯古仙人了知是赤松借予一白鹿自挾兩青龍含笑

凌倒景欣然願相從 以下二首或作一首

泣與親友別欲語再三咽勗君青松心努力保霜雪世
路多險艱白日欺紅顏分首各千里去去何時還

在世復幾時倏如飄風度空聞紫金經白首愁相誤撫
已忽自笑沈吟為誰故名利徒煎熬安得閒余步終留

赤玉鳥東上蓬萊 一作路秦帝如我求蒼蒼但煙霧

郢客吟白雪遺響飛青天徒勞歌此曲舉世誰為傳試
為巴人唱和者乃數千吞聲何足道歎息空悽然

秦水別隴首幽咽多悲聲胡馬顧朔雪蹊蹠長嘶鳴感
物動我心緬然含歸情昔視秋蛾飛今見春蠶生嫋嫋

桑柘 一作葉萋萋柳垂榮急節謝流水羈心搖懸旌
涕且復去惻愴何時平


秋露白如玉團團下庭綠我行忽見之寒早悲歲促人
生猶鳥過 一作生猶鳥過目 胡乃自結束景公一何愚牛山淚

相續物苦不知足登 一作隴又望蜀人心若波瀾世路
多 一作屈曲三萬六千日夜夜當秉燭

大車揚飛塵亭午暗阡陌中貴多黃金連雲開甲宅路
逢鬪雞者冠蓋何輝赫鼻息干虹蜺行人皆怵惕世無

洗耳翁誰知堯與跖

世道日交喪澆風散淳源不采芳桂枝反棲惡木根所



以桃李樹吐花竟不言大運有興沒羣動爭飛奔歸來
廣成子去入無窮門

碧荷生幽泉朝日豔且鮮秋花冒綠水密葉羅青煙秀
色空絕世馨香竟誰一作誰傳坐看飛霜滿凋此紅芳年

結根未得所願託華池邊

燕趙有秀色綺樓青雲端眉目豔皎月一笑傾城歡常
恐碧草晚坐泣秋風寒纖手怨玉琴清晨起長歎焉得

偶君子共乘雙飛鸞

容顏若飛電時景如飄風草綠霜已白日西月復東華

髮一作髮不耐秋颯然成衰蓬古來賢聖人一一誰成功

君子變猿鶴小人為沙蟲不及廣成子乘雲駕輕鴻
三季分戰國七雄成亂麻王風何怨怒世道終紛拏至

人洞玄一作元象高舉凌紫霞仲尼亦一作欲浮海吾祖之

流沙聖賢共淪沒臨岐胡咄嗟

玄風變太古道喪無時還擾擾季葉一作市井人雞鳴趨四

關但識金馬門誰一作詎知蓬萊山白首死羅綺笑歌無

休閒綠酒晒丹液青蛾凋素顏一作骨風塵彫素顏大儒揮

金槌琢之一作發塚詩禮間蒼蒼三珠樹冥目焉能攀

鄭客西入關行行未能已白馬華山君相逢平原里璧

遺鎬池君明年祖龍死秦人相謂曰吾屬可去矣一往

桃花源千春隔流水

暮收肅金氣西陸弦海月秋蟬號階軒感物憂不歇良

辰竟何許大運有淪忽天寒悲風生夜久衆星沒惻惻

不忍言哀歌逮一作明發

北溟有巨魚身長數千里仰噴三山雪橫吞百川水憑

陵隨海運輝赫因風起吾觀摩天飛九萬方未已

羽檄如流星虎符合專城喧呼救邊急羣鳥皆夜鳴白

日曜紫微三公運權衡天地皆得一澹然四海清借問

此何爲荅言楚徵兵渡瀘及五月將赴雲南征怯卒非

戰士炎方難遠行長號別嚴親日月慘光晶泣盡繼以

血心摧兩無聲困獸當猛虎窮魚餌奔鯨千去不一回

投軀豈全生如何舞干戚一使有苗平

醜女來效顰還家驚四鄰壽陵失本步笑殺邯鄲人一

曲一作東西斐然子雕蟲喪天真棘刺造沐猴三年費精神

功成無所用楚楚且華一作榮身大雅思文王頌聲久崩

淪安得郢中質一揮成斧斤一作承風一運斤

抱玉入楚國見疑古所聞良寶終見棄徒勞三獻君直

木忌先伐芳蘭哀自焚盈滿天所損沈冥道爲羣東海

汎碧水一作流西關乘紫雲魯連及柱史可以躡清芬一作

竭來荆山容誰爲珉玉分良寶絕見棄虛持三獻君直

木忌先伐芳蘭哀自焚盈滿天所損沈冥道所羣東海

有碧水西山多白雲魯連及夷齊可以躡清芬

燕臣昔慟哭五月飛秋霜庶女號蒼天震風擊齊堂精
誠有所感造化為悲傷而我竟何辜遠身金殿傍浮雲
吐玉闥白日難回光羣沙穢明珠衆草凌孤芳古來共
偷流淚空沾裳

孤蘭生幽園衆草共蕪沒雖照陽春暉復悲高秋月飛
霜早浙瀝綠豔恐休歇若無清風吹香氣為誰發

登高望四海天地何漫漫霜被羣物秋風飄大荒寒榮
華東流水萬事皆波瀾白日掩徂輝浮雲無定端梧桐
巢燕雀枳棘棲鷓鴣且復歸去來劍歌行一作悲路難一作

登高望四海天地何漫漫霜被羣物秋風飄大荒寒殺
氣落喬木浮雲蔽層巒孤鳳鳴天倪遺聲向辛酸遊人
悲舊國撫心亦盤桓倚劍歌所思曲終涕泗瀾

鳳饑不啄粟所食唯琅玕焉能與羣雞刺一作促爭一

餐朝鳴崑丘樹夕飲砥柱湍歸飛海路遠獨宿天霜寒

幸遇王子晉結交青雲端懷思一作未得報感別空長

歎

朝弄紫沂海一作駕夕披丹霞裳揮手折若木拂此西

日光雲舉一作遊八極玉顏已千一作霜飄飄入無倪

稽首祈上皇呼我遊太素玉杯賜瓊漿一餐歷萬歲何

用還故鄉永隨長風去天外恣飄揚

搖裔雙白鷗鳴飛滄江流宜與海人狎豈伊雲鶴儔寄
形宿沙月沿芳戲春洲吾亦洗心者忘機從爾遊

周穆八荒意漢皇萬乘尊淫樂心不極雄豪安足論西
海宴王母北宮邀上元瑤水聞遺歌玉杯竟空言靈跡

成蔓草徒悲千載冤

綠蘿紛葳蕤繚繞松柏枝草木有所託歲寒尚不移奈

何天桃色坐歎葑菲詩玉顏豔紅彩雲髮非素絲君子

恩已畢賤妾將何爲

八荒馳驚飈萬物盡凋落浮雲蔽頽陽洪波振大壑龍

鳳脫網罟飄飄將安託去去乘白駒空山詠場藿

一百四十年國容何赫然隱隱五鳳樓峩峩橫三川王

侯象星月賓客如雲煙

一作帝京信佳麗國容何赫然

象天構珠翠誇雲仙

鬪雞金宮裏蹴鞠瑤臺邊

一作走馬

舉動搖

白日指揮回青天當塗何翕忽失路長棄捐獨有揚執

戟閉關草太玄

桃花開東園含笑誇白日偶蒙東風榮生

一作

此豔陽

質豈無佳人色但恐花不實宛轉龍火飛零落早相失

詎知南山松獨立自蕭颯

一作芙蓉嬌綠波桃李誇白日偶蒙春風榮生此豔陽質

豈無佳人色但恐花不實宛轉龍火飛零落互相失詎

知凌寒松千載長守一秦王按寶劍赫怒震威神逐日巡海右驅石駕滄津徵

卒空九寓作橋傷萬人但求蓬島藥豈思農扈春力盡
功不贍千載為悲辛

美人出南國灼灼芙蓉姿皓齒終不發芳心空自持由
來紫宮女共妬青蛾眉歸去瀟湘沚沈吟何足悲

宋國梧臺東野人得燕石一作宋人枉千金去國買燕石誇作天下珍

却晒趙王一作氏壁趙壁無緇磷燕石非貞真流俗多錯

誤豈知玉與珉

殷后亂天紀楚懷亦已昏夷羊滿中野藁薶盈高門比
干諫而死屈平竄湘源虎口何婉孌女頽空嬋媛彭咸
久淪沒此意與誰論

青春流驚湍朱明一作火驟迴薄不忍看秋蓬飄揚竟何

耗光風滅蘭蕙白露灑葵一作委蕭藿美人不我期草木日

零落

戰國何紛紛兵戈亂浮雲趙倚兩虎鬪晉為六卿分姦

臣欲竊位樹黨自相羣果然田成子一旦殺齊君

倚劍登高臺悠悠送春日蒼榛蔽層丘瓊草隱深谷鳳

鳥鳴西海欲集無珍木鸞斯得所一作匹居一作棲蒿下盈

萬族晉風日已頽窮途方慟哭以上六句一作翩翩衆鳥飛翱翔在珍木羣花

亦便娟榮耀非一放歸來愴途窮日暮還慟哭

齊瑟彈一作揮東吟秦絃弄西音慷慨動顏魄使人成荒

淫彼美佞邪子婉變來相尋一笑雙白璧再歌千黃金
珍色不貴道詎惜飛光沈安識紫霞客瑤臺鳴玉一作素
琴

越客采明珠提攜出南隅清輝照海月美價傾鴻都獻
君君按劍懷寶空長吁魚目復相晒寸心增煩紆

羽族稟萬化小大各有依周周亦何辜六翮掩不揮願
銜衆禽翼一向黃河飛飛者莫我顧歎息將安歸

我行一作到

巫山渚尋古登陽臺天空彩雲滅地遠清風

來神女去已久襄王安在哉荒淫竟淪沒一作替樵牧徒
悲哀

惻惻泣路岐哀哀悲素絲路岐有南北素絲易變移一作

此下有萬事固如此人生無定期谷風刺輕薄一作世

田實相傾奪賓客互盈虧四句交道方嶮熾斗酒強然諾寸心終自疑張陳竟火滅

蕭朱亦星離衆鳥集榮柯窮魚守枯一作空池嗟嗟失歡

客勤問何所規一作悲

擬古 三首

徐彥伯

遙裔煙嶼鴻雙影旦夕同交翰倚沙月和鳴弄江風
若茂芳序君子從遠戎雲生陰海沒花落春潭空紅淚
掩促柱錦衾羅薰籠自傷瓊草綠詎惜鉛粉紅裂帛附
雙燕爲予向遼東

讀書三十載馳驚周六經儒衣干時主忠策獻闕庭一
朝奉休眄從容厠羣英束身趨建章秉筆坐承明解署
相填噎僚吏紛縱橫五日休澣時屠蘇繞玉屏橘花覆
北沼桂樹交西榮樹棲兩鴛鴦含春向我鳴皎潔綺羅
豔便娟絲管清擾擾天地間出處各有情何必巖石下
枯槁閒此生

頽光無淹晷逝水有迅流綠苔紛易歇紅顏不再求歌
笑當及春無令壯志秋弱年仕關輔篋門豁御溝敷愉
東城際姸變南陌頭荷花嬌綠水楊葉暖青樓中有綺
羅人可憐名莫愁盡屏繞金膝珠簾懸玉鈎纖指調寶
琴泠泠哀且柔贈君鴛鴦帝因以鸚鵡裘窓曉吟日
閨夕秉燭遊無作北門客咄咄懷百憂

擬古

薛奇童

沙塵朝蔽日失道還相遇寒影波上雲秋聲月前樹川
氣生曉夕野陰乍煙霧沈沈滌池水人馬不敢度吮癰
世所薄挾纊恩難顧不見古時人中宵淚橫注

擬古

崔融

飲馬臨濁河濁河深不測河水日東注河源迺西極思
君正如此誰爲生羽翼日夕大川陰雲霞千里色所思
在何處死在機中織離夢當有魂愁容定無力夙齡負

奇志中夜三一作多歎息拔劍斬長榆彎弓射小棘班張
固非擬衛霍行可卽寄謝閨中人努力加餐食

擬古 二首

儲光羲

晨登涼風臺暮走邯鄲道曜靈何赫烈四野無青草大
軍北集燕天子西居鎬婦人役州縣丁男事征討老幼
相別離哭泣無昏早稼穡旣殄絕川澤復枯槁曠哉遠
此憂冥冥商山皓

東風吹大河河水如倒流河洲塵沙起有若黃雲浮潁
霞燒廣澤洪曜赫高丘野老泣相語無地可蔭休翰林
有客卿獨負蒼生憂中夜起躑躅思欲獻厥謀君門峻

且深跣足空夷猶

擬古 十三首

李白

青天何歷歷明星白如石黃姑與織女相去不盈尺銀
河無鵲橋非時將安適閨人理紈素遊子悲行役瓶水
一作水知冬寒霜露欺遠客客似秋葉飛飄飄不言歸別
後羅帶長愁寬去時衣乘月託宵夢因之寄金徽

高樓入青天下有白玉堂明月看欲墮當牕懸清光遙
夜一美人羅衣沾秋霜含情弄柔瑟彈作陌上桑絃聲
何激烈風卷遶飛梁行人皆躑躅棲鳥去廻翔但寫妾
意苦莫辭此曲傷願逢同心者飛作紫鴛鴦

長繩難繫日自古共悲辛黃金高北斗不惜買陽春石
火無留光還如世中人即事已如夢後來我誰身提壺
莫辭貧取酒會四鄰仙人殊恍惚未若醉中真

清都綠玉樹灼爍瑤臺春攀花弄秀色遠贈天仙人香
風送紫蘂直到扶桑津取掇世上豔所貴心之珍相思
傳一笑聊欲示情親

今日風日好明日恐不如春風笑於人何乃愁自居吹
簫舞彩鳳酌醴鱸神魚千金買一醉取樂不求餘達士

遺天地東門

一作山

有二疏愚夫同瓦石有才知

一作能

卷

舒無事坐悲苦塊然涸轍

一作鮒

魚

運速天地閉胡風結飛霜百草死冬月六龍頽西華

白出東方慧星揚精光鴛鴦非越鳥何為眷南翔惟昔
鷹將犬今為侯與王得水成蛟龍爭池奪鳳凰北斗不
酌酒南箕空簸揚

世路今太行迴車竟何託萬族皆凋枯遂無少可樂曠
野多白骨幽菟共銷鑠榮貴當及時春華宜照灼人非
崑山玉安得長璀璨一作豈身沒期一作不朽榮名在麟閣

月色不可掃客愁不可道玉露生秋衣流螢飛百草日
月終銷毀天地同枯槁蟪蛄啼青松安見此樹老金丹
寧誤俗昧者難精討爾非千歲翁多恨去世早飲酒入

古詩
卷九
玉壺藏身以爲寶

生者爲過客死者爲歸人天地一逆旅同悲萬古塵月
兔空擣藥扶桑以爲一作薪白骨寂無言青松豈知春
前後更歎息浮榮何足珍

僊人騎彩鳳昨下閭風岑海水三清淺桃源一見尋遺
我綠玉杯兼之紫瓊琴杯以傾美酒琴以閒素心二物
非世有何論珠與金琴彈松裏風杯勸天上月風月長
相知世人何倏忽

涉江弄一作秋水愛此荷花鮮攀荷弄其珠蕩漾不成
圓佳期一作綵雲重一作欲贈隔遠天相思無由日

望涼風前

去去復去去辭君還憶君漢水旣殊流楚山亦此分人
生難稱意豈得長爲羣越燕喜海日燕鴻思朔雲別久
容華晚琅玕不能飯日落知天昏夢長覺道遠望夫登
高山化石竟不返

融融白玉輝映我青蛾眉寶鏡似空水落花如風吹出
門望帝子蕩漾不可期安得黃鶴羽一報佳人知

擬古一作客從

杜甫

容從南溟來遺我泉客珠珠中有隱字欲辨不成書緘
之篋笥久以俟公家須開視化爲血哀今徵斂無

古詩
五言

卷九

二十三

擬古 贈陳子昂

喬知之

惇惇孤形影悄悄獨遊心以此從王事常與子同衾別
離三河間征戰二庭深胡天夜雨霜胡鴈晨南翔節物
感離居同衾還一作違故鄉南歸日將遠北方尚蓬飄孟
秋七月時相送出外郊海風吹涼木邊聲暗稍稍勤役
千萬里將臨五十年心事為誰道抽琴歌坐筵一彈再
三歎賓御涕潺湲送君竟此曲從茲長絕絃

効古 二首

李白

朝入天苑中謁帝蓬萊宮青天映輦道碧樹遙烟空謬
題金閨籍得與銀臺通待詔奉明主抽毫頌清風歸時

落日晚蹊蹊浮雲驄人馬本無意飛馳自豪雄入門紫
鴛鴦金井雙梧桐清歌絃古曲美酒沽新豐快意且為
樂列筵坐羣公光景不可留生世如轉蓬早達勝晚遇
羞比垂釣翁

自古有秀色西施與東隣蛾眉不可妬况乃効其顰所
以尹婕妤羞見邢夫人低頭不出氣塞默少精神寄語
無鹽子如君何足珍

效古 贈崔二

高適

十月河洲時一看有歸思風飈生慘烈雨雪暗天地我
輩今胡為浩哉迷所至緬懷當途者濟濟居聲位邈然

古詩 卷九 二十四
在雲霄寧肯更淪躋周旋多燕樂門館列車騎美人芙蓉姿狹室蘭麝氣金爐陳獸炭談笑正得意豈論草澤中有此枯槁士我慙經濟策久欲甘棄置君負縱橫才如何尚憔悴長歌增鬱快對酒不能醉窮達自有時夫子莫下淚

學古 思邊

李白

銜悲上隴首腸斷不見君流水若有情幽哀從此分蒼茫愁邊色惆悵落日曛山外接遠天天際復有雲白鴈從中來飛鳴苦難聞足繫一書札寄言難離羣離羣心斷絕十見花成雪胡地無春輝征人行不歸相思杳如

夢珠淚濕羅衣

述古 三首

杜甫

赤驥頓長纓非無萬里姿悲鳴淚至地爲問馭者誰鳳凰從天來何意復高飛竹花不結實念子忍朝饑古時君臣合可以物理推賢人識定分進退固其宜

市人日中集於利競錐刀置膏烈火上哀哀自煎熬農人望歲稔相率除蓬蒿所務穀爲本邪贏無乃勞舜舉十六相身尊道何高秦時任商鞅法令如牛毛

漢光得天下祚永固有開豈惟高祖聖功自蕭曹來經綸中興業何代無良才吾慕寇鄧勳濟時信良哉耿賈

古言 卷九 二一五
亦宗臣羽翼共徘徊休運終四百圖畫在雲臺

雜詩 四首

張說

抱薰心怕焦舉旆心怕搖天長地自久歡樂能幾朝君
看西陵樹歌舞爲誰嬌

山間苦積雨木落悲時遽賞心凡幾人良辰在何處觸
石滿堂侈灑我終夕慮客鳥懷主人銜花未能去剖珠
貴分明琢玉思堅貞要君意如此終始莫相輕

問子青霞意何事留朱軒自言心遠俗未始迹辭喧過

一作

蒙良時幸側息吏途煩簪纓非宿好文史棄前言

夕卧北窓下夢歸南山園白雲慙幽谷清風愧泉源十

年茲賞廢佳期今復存掛冠謝朝侶星駕別君門

默念羣疑起玄通百慮清初心滅陽艷復見湛虛明悟
滅心非盡求虛見後生應將無住法修到不成名

雜詩

五首

張九齡

孤桐亦胡爲百尺傍無枝踈陰不自覆脩幹欲何施高
岡地復迴弱植風屢吹凡鳥已相噪鳳凰安得知
蘿蔦必有託風霜不能落酷任蘭將蕙甘從葵與藿運
命雖爲宰寒暑自迴薄悠悠天地間委順無不樂
良辰不可遇心賞更蹉跎終日塊然坐有時勞者歌庭
前攬芳蕙江上託微波路遠無能達憂情空復多

湘水弔靈妃斑竹為情緒漢水訪游女解佩欲誰與同心不可見異路空延佇浦上青楓林津傍白沙渚行吟至落日坐望祗愁予神物亦豈孤佳期竟何許
木直幾自寇石堅亦他攻何言為用薄而與火膏同物類一作累有固然誰能取徑通纖纖良田草靡靡唯從風日夜沐甘澤春秋等芳叢生性苟不夭香臭誰為中道家貴至柔儒生何固窮終始行一意無乃過愚公

雜詩 二首 儲光羲

混沌一作坤本無象末路多是非達士志寥廓所在能忘機耕鑿時未至還山聊采薇虎豹對我蹲鸞鷲傍我飛

仙人空中來謂我勿復歸格澤為君駕雲一作虹霓為君衣西游崑崙墟可與世人違

秋氣一作風肅天地太行高崔嵬一作猥狝一作馳清夜吟其聲

一何哀寂寥一作冥掩圭華夢寐遊蓬萊琪樹遠亭亭玉


堂雲中開洪崖吹簫管玉一作素女飄颻來雨師既先後

一作洗道一作後路無纖埃鄙哉楚襄王獨如雲陽一作好陽雲

臺

雜詩 六首 李華

黃鍾叩元音律呂更循環邪氣悖正聲鄭衛生其間典樂忽消微波浪與天渾嘈嘈鳴臬動好鳥徒綿蠻王吉



歸鄉里甘心長閉關

玄黃與丹青五氣之正色聖人端其源上下皆有則齊
侯好紫衣魏帝婦人飾女奴厭金翠傾海未滿臆何忍
嚴子陵羊裘死荆棘

甘酸不私人元和運五行生人受其用味正心亦平爪
牙相殘傷日與性命爭聖人不能絕鑽燧與炮烹嗜慾
乘此熾百金資一傾正消神耗衰邪勝體充盈顏子有
餘樂瓢中寒水清

陰魄淪宇宙太陽假其明道不此專由此見虧盈未
聞東菑稼一氣嘉穀成上天利乃可生焉高

附柔木繁陰蔽曾原風霜摧枝幹不復庇本根女蘿依
松柏然後得長存

孔光尊董賢胡廣慚李固儒風冠天下而乃敗王度絳
侯與博陸忠朴受遺顧求名不考實文弊反成蠹

結交得書生書生鈍且直爭權復爭利終不得其力我
逢縱橫者是我牙與翼相旋如疾風並命趨紫極奔車
得停軌風火何相逼仁義豈有常肝膽反爲賊勿嫌書
生直鈍直深可憶

雜詩

張彪

富貴多勝事貧賤無良圖上德兼濟心中才不如愚商

者多巧智農者爭一作多膏腴儒生未遇時衣食不自如

久與故交別他榮我窮居到門懶入門何況千里餘君

子有福性况一作矧乃尋常徒行行任天地無為強親踈

雜詩

王維

朝因折楊柳相見洛城隅楚國無如妾秦家自有夫對

人傳玉腕映燭解羅襦人見東方騎皆言夫婿殊持謝

金吾子煩君提玉壺

雜詩

崔國輔

逢着平樂兒論交鞍馬前與酤一作酣斗酒恰用十千

錢後余在關內作事多迤邐何肯相救援一作肯相救徒

閒寶劍篇

雜詩

崔顥

可憐青銅鏡掛在白玉堂玉堂有美女嬌弄明月光羅

袖拂金鵲綵屏點紅妝妝罷含情坐春風桃李香

雜詩

李白

白日與明月晝夜尚一作常不閒况爾悠悠人安得人世

間傳聞海水上乃有蓬萊山玉樹生綠葉靈仙每登攀

一食駐玄髮再食留紅顏吾欲從此去去之無時還

雜詩

王季友

采山仍采隱在木不在深持斧事遠遊固非一作悲匠者

心翳翳青桐枝樵爨日所侵斧聲出巖壑四聽無知音
豈為鼎下薪當復堂上琴鳳鳥久不棲且與枳棘林

雜詩

獨孤及

日花結成子春物捨我去流年惜不得獨坐空閨暮心
自有所待甘為物華悞未必千黃金買得一人顧

感遇

三十八首

陳子昂

微月生西海幽陽始代昇圓光正東滿陰魄已朝凝太
極生天地三元更廢興至精諒斯在三五誰能徵
蘭若生春夏芊蔚何青青幽獨空林色朱蕤冒紫莖遲
遲白日晚嫋嫋秋風生歲華盡搖落芳意竟何成

蒼蒼丁零塞今古緬荒途亭堠何摧兀暴骨無全軀黃

沙幕南起白日隱天

一作西

隅漢甲三十萬曾以事匈奴

但見沙場死誰憐塞上

一作孤

樂羊為魏將食子殉軍功骨肉且相薄他人安得忠吾

聞中山相乃屬放麇翁孤獸猶不忍况以奉君終

市人矜巧智於道若

一作重

童蒙傾奪相夸侈不知身所

終曷見玄真

一作真

子觀世玉壺中窅然遺天地乘化入

無窮

吾觀龍變化乃知至陽精石林何冥密幽洞無畱行古

之得仙道信與元化并玄感非象

一作蒙

識誰能測淪冥

英一作沈溟世人拘目見酣酒笑丹經崑崙有瑤樹安得采其

白日每不歸青陽時暮矣茫茫吾何思林卧觀無始衆
芳委時晦鴟鴞悲鳴耳鴻荒古已頽誰識巢居子

吾觀崑崙化日月淪洞冥精魄相交會一作構天壤以羅
生仲尼推太極老聃貴窈冥西方金仙子崇議一作義乃

無明空色皆寂滅緣業定一作亦何成名教信紛藉死生
俱未停

聖人秘元命懼世亂其真如何嵩公輩一作談譎誤時
人先天誠為美階亂禍誰因長城備胡寇羸禍發其親

赤精既迷漢子年何救秦去去桃李花多言死如麻

深居觀元化一作羣動悻然爭朶頤讒說相啖食利害紛礙
礙便便夸毘子榮耀更相持務光讓天下商賈競刀錐

已矣行采芝萬世同一時

吾愛鬼谷子青谿無垢氛囊括經世道遺身在白雲七
雄方龍鬪天下亂一作久無君浮榮不足貴遵養晦時文

羣一作舒可彌宇宙卷之不盈分豈徒山木壽空與麋鹿

啣啣南山鹿罹罟以媒和招搖青桂樹幽蠹亦成科世
情甘近習榮耀紛如何怨憎未相復親愛生禍羅瑤臺

傾巧笑玉杯殞雙蛾誰見枯一作孤城蘖一作樹青青成斧

柯

林居病時久水木澹孤清閒卧觀物化悠悠念無生青
春始萌達朱火已滿盈徂落方自此感嘆何時平

臨岐泣世道天命良悠悠昔日殷王子玉馬遂朝周寶
鼎淪伊穀瑤臺成古丘西山傷遺老東陵有故侯

貴人難得意賞愛在須臾莫以心如玉探他明月珠昔
稱天桃子今為春市徒鷓鴣悲東國麋鹿泣姑蘇誰見

鳴夷子扁舟去五湖

聖人去已久公道緬良難蚩蚩夸毘子堯禹以為謾驕

榮貴工巧勢利遞一作迭相干燕王尊樂毅分國願同歡

魯連讓齊爵遺組去邯鄲伊人信往矣感激為誰歎

幽居觀大一作天運悠悠念羣生終古代興沒豪聖莫能

爭三季淪周赧七雄滅秦嬴復聞赤精子提劍入咸京

炎光既無象晉虜復縱橫堯禹道已一作則昧昏虐勢方

行豈無當世雄天道與胡兵咄咄安可言時醉而未醒

仲尼溺東魯一作夏伯陽遁西溟大運自古來旅人胡歎

哉

透迤勢已久骨鯁道斯窮豈無感激者時俗頽此風灌

園何其鄙皎皎於陵中世道不相容嗟嗟張長公

聖人不利已憂濟在元元黃屋非堯意瑤臺安可論吾
聞西方化清淨道彌敦柰何窮金玉雕刻以為尊雲構
一作架山林盡瑤圖珠翠煩鬼工尚未可人力安能存夸
愚適增累矜智道逾昏

玄天幽且默羣議曷嗤嗤聖人教猶在世運久陵夷一作
遲一繩將何繫憂醉不能持去去行采芝勿為塵一作鹿
所欺

蜻蛉遊天地與世一作物本無患飛飛未能止一作去黃雀
來相干穰侯富秦寵金石比交歡出入咸陽裏諸侯莫
敢言寧知山東客激怒秦王肝布衣取丞一作卿相千載

為辛醜

微霜知歲晏斧柯始青青况乃金天夕皓露霑羣英登
山望宇宙白日已西暝雲海方蕩滴孤鱗安得寧
翡翠巢南海雄雌珠樹林何知美人意驕愛比黃金殺
身炎州裏委羽玉堂陰旖旎光首飾葳蕤爛錦衾豈不
在遐遠虞羅忽見尋多材信一作固為累歎息此珍禽
拏瓶者誰子姣服當青春三五明月滿盈盈不自珍高
堂委金玉微縷懸千鈞如何負公鼎被欬笑時人
玄蟬號白露茲歲已蹉跎羣物從大化孤英將柰何瑤
臺有青鳥遠食玉山禾崑崙見玄鳳豈復虞雲羅

荒哉穆天子好與白雲期宮女多怨曠層城閉蛾眉日
耽瑤池樂豈傷桃李時青苔空萎絕白髮生羅帷

朝發宜都渚浩然思故鄉故鄉不可見路隔巫山陽巫

山綵雲沒高丘正微茫佇立望已久涕落一作沾衣裳

豈茲越鄉感憶昔楚襄王朝雲無處所荆國亦淪亡

昔日章華宴荆王樂荒淫霓旌翠羽蓋射兕雲夢林謁

來高唐觀悵望雲陽岑雄圖今何在黃雀空哀吟

丁亥歲云暮西山事甲兵羸糧匱邛道荷戟爭羌城巖

冬陰風勁窮岫泄一作雲生昏曠一作無晝夜羽激復

相驚拳踞萬仞崩危走一作九冥籍籍一作寂寂

哀哀冰雪行聖人御宇宙聞道泰階平肉食謀何失藜

藿緬縱橫

可憐瑤臺樹灼灼佳人姿碧華映朱實攀折青春時豈

不盛光寵榮君白玉墀但恨紅芳歇凋傷感所思

謁來豪遊子勢利禍之門如何蘭膏歎感激自生冤衆

趨明所避時棄道猶存雲淵既已失羅網與誰論箕山

有高節湘水有清源唯應白鷗鳥可為一作洗心言

索居猶一作獨一作幾日炎夏忽然衰陽彩皆陰翳親友盡乖

離一作登山望不見涕泣久漣洏宿昔一作感顏色若

與白雲期世中一作馬上驕豪子驅逐正蚩蚩蜀山與楚水

攜手在何時

金鼎合神一作還丹世人將見欺飛飛騎羊子胡乃在峨

眉變化固非類芳菲能幾時疲痾苦淪世憂悔一作日

侵淄眷然顧幽褐白雲空涕洟

朔風吹海樹蕭條邊已秋亭上誰家子哀哀明月樓自

言幽燕客結髮事遠遊赤丸殺公吏白刃一作日報私讐

避讐至海上被役此邊州故鄉三千里遼水復悠悠每

憤胡兵入常為漢國羞何知七十戰白首未封侯

本為貴公子平生實愛才感時思報國拔劍起蒿萊西

馳丁零塞北上單于臺登山見千里懷古心悠哉誰言

未忘禍磨滅成塵埃

浩然坐何慕吾蜀有峩眉念與楚狂子悠悠白雲期時

哉悲一作怨不會涕泣久漣洏夢登綏山穴南采巫山一作

芝探元觀羣化遺世從雲螭婉變時永矣感悟不見

之

朝入雲中郡北望單于臺胡秦何密邇沙朔氣雄哉藉

藉天驕子猖狂已復來塞垣無名將亭堠空崔嵬咄嗟

吾何歎邊人塗草萊

仲尼探元化幽鴻順陽和大運自盈縮春秋遞一作送來

過盲飈忽號怒萬物相紛劇溟海皆震蕩孤鳳其如何

感遇 十二首

張九齡

蘭葉

一作葉

春葳蕤桂華秋皎潔欣欣似

此一作

生意自爾

一作

為佳節誰知林棲者聞風坐相見

一作

悅草木有本

一作

心何求美人折

幽林

一作人

歸獨卧滯慮洗孤清持此謝高鳥因之傳遠

情日夕懷空意人誰感至精飛沈理自隔何所用

一作慰

吾誠

魚游樂深池鳥棲欲高枝嗟爾蜉蝣羽薨薨亦何為有

生豈不化所感奚若斯神理日微滅吾心安得知浩歎

揚朱子徒然泣路岐

孤鴻海上來池潢不敢顧側見雙翠鳥巢在三珠樹矯

矯珍木巔得無金丸懼美服患人指高明逼神惡今我

遊冥冥弋者何所慕

吳越數千里夢寐今夕見形骸非我親衾枕即鄉縣化

蝶猶不識川魚安可羨海上有仙山歸期覺神變

西日下山隱北風乘夕流燕雀感昏旦簷楹呼匹儔鴻

鵠雖自遠哀音非所求貴人棄疵賤下士嘗殷憂衆情

累外物恕已忘內修感歎長如此使我心悠悠

江南有丹橘經冬猶綠林豈伊地氣暖自有歲寒心可

以薦嘉客柰何阻重深運命惟所遇循環不可尋徒言

樹桃李此木豈無陰

永日徒離憂臨風懷寒脩美人何處所孤客空悠悠青
鳥跂不至朱鷺誰云浮夜分起躑躅時逝曷淹留

抱影吟中夜誰聞此歎息美人適異方庭樹含幽色白
雲愁不見滄海飛無翼鳳凰一朝來竹花斯可食

漢上有游女求思安可得袖中一札書欲寄雙飛翼冥
冥愁不見耿耿徒緘憶紫蘭秀空蹊皓露奪幽色馨香

歲欲晚感嘆情何極白雲在南山日暮長太息

我有異鄉憶宛在雲溶溶憑此目不覩要之心所鍾但
欲附高鳥安敢攀飛龍至精無感遇悲惋填心曾歸來

扣寂寞人願天豈從

閉門跡羣化憑林結所思嘯嘆此寒木疇昔迺芳蕤朝
陽鳳安在日暮蟬獨悲浩思極中夜深嗟欲待誰所懷

誠已矣既往不可追鼎食非吾事雲仙一作山當我期胡

越方杳杳車馬何遲遲天壤一何異幽嘿卧簾帷

感遇 三首

李白

善愛王子晉得道伊洛濱金骨既不毀玉顏長自春可

憐浮丘公猗靡與情親舉手白日間分明謝時人二仙
去已遠夢想空殷勤

昔余聞姮娥竊藥駐雲髮不自嬌玉顏方希鍊金骨飛

去身莫返含笑坐明月紫宮誇蛾眉隨手會凋歇
宋玉事楚王立身本高潔巫山賦彩雲郢路歌白雪舉
國莫能和巴人皆卷舌一惑登徒言恩情遂中絕

感遇 二首

梁德裕

彩雲呈瑞質五色發人寰獨作龍虎狀孤飛天地間隱
隱臨北極峩峩象南山恨在帝鄉外不逢枝葉攀
幽澗生蕙若幽渚老江蘼榮落人不見芳香徒爾為不
及綠萍草生君紅蓮池左右美人弄朝夕春風吹葉洗
玉泉水珠清湛露滋心亦願如此託君君不知

述懷 一作宋之問

魏徵

中原初一作還逐鹿投筆事戎軒縱橫計不就慷慨志猶
存杖策謁天子驅馬出關門請纓繫南粵憑軾下東藩
鬱紆陟高岫出沒望平原古木鳴寒鳥空山啼夜猿旣
傷千里目還驚九折魂豈不憚艱險深懷國士恩季布
無二諾侯嬴重一言人生感意氣功名誰復論

叙懷 二首

張九齡

弱歲讀書史抗迹追古人被褐有懷玉佩印從負薪志
合豈兄弟道行無賤貧孤根亦何賴感激此為鄰
晚節從卑秩岐路良非一旣聞持兩端復見挾三術木
瓜誠有報玉楮論無實已矣直躬者平生壯圖失去去

勿重陳歸來茹芝朮

叙懷 贈故人

孟雲卿

稍稍晨鳥翔淅淅草上霜人生早罹苦壽命恐不長二十學已成三十名不彰豈無同門友貴賤易中腸驅馬行萬里悠悠過帝鄉幸因絃歌未得上君子堂衆樂互喧奏獨子備笙簧坐中無知音安得神揚揚願因高風起上感白日光

叙志 山中作

王績

物外知何事山中無所有風鳴靜夜琴月照芳春一作樽酒直置百年內誰論千載後張鳳一作奉娉賢妻老萊藉

嘉偶孟光儻未嫁梁鴻正須嬾

言志 春日醉起作

李白

處世若大夢胡爲勞其生所以終日醉頽然卧前楹覺來盼庭前一鳥花間鳴借問此何時春風語流鶯感之欲歎息對酒還自傾浩歌待明月曲盡已忘情

言志 冬日醉宿龍門覺起作

醉來脫寶劍旅懋高堂眠中夜忽驚覺起立明鏡前開軒聊直望曉雪河水壯哀哀歌苦寒鬱鬱獨惆悵傳說版築臣李斯鷹犬人歛起匡社稷寧復長艱辛而我胡爲者歎息龍門下富貴未可期殷憂向誰寫去去淚滿

襟舉聲梁甫吟青雲當自致何必求知音

感興 六首

瑶姬天帝女精彩化朝雲宛轉入宵夢無心向楚君錦

衾抱秋月綺席空蘭芬茫昧竟誰測虛傳宋玉文

洛浦有宓妃飄飄雪爭飛輕雲拂素月了可見清輝解

珮欲西去 一作走 含情詎相違香塵動羅襪綠水不沾衣

陳王徒作賦神女豈同歸好色傷大雅多為世所譏

裂素持作書將寄萬里懷眷矣待遠信竟歲無人來征

鴻務從 一作隨 陽又不為我棲委之在深篋蠹魚壞其題

何如投水中流落他人開不惜他人開但恐生是非

十五遊神仙仙遊未曾歇吹笙吟 一作坐 松風汎瑟窺海

月西山玉童子使我鍊金骨欲逐黃鶴 一作鶴 飛相呼向

蓬闕

西國有美女結樓青雲端蛾眉豔曉月一笑傾城歡高

節不可奪炯心如凝丹常恐彩色晚不為人所觀安得

配君子共乘雙飛鸞

嘉穀隱豐草草深苗且稀農夫既不異孤穗將安歸常

恐委疇隴忽與秋蓬飛烏得薦宗廟為君生光輝

感懷 一首 一作傷時

孟雲卿

太空流素月三五何明明光耀侵白日賢愚迷至精四

時更變化天道有虧盈常恐今夜沒須還復生
徘徊宋郊上不見平生親獨立正傷心悲風來孟津大
方載羣物生死有常倫虎豹不相食哀哉人食人豈伊
逢世運天道亮云云

遣興

十三首

杜甫

朔風飄胡鴈慘澹帶砂礫長林何蕭蕭秋草萋更碧北
里富薰天高樓夜吹笛焉知南鄰客九月猶絺綌
長陵銳頭兒出獵待明發駢弓金爪鏑白馬蹴微雪未
知所馳逐但見暮光滅歸來懸兩狼門戶有旌節
漆有用而割膏以明白煎蘭摧白露下桂折秋風前府

中羅舊尹沙道尚依然赫赫蕭京兆今爲時所憐
猛虎馮其威往往遭急縛雷吼徒咆哮枝撐已在脚忽
看皮寢處無復睛閃鑠人有甚於斯足以勸元惡
朝逢富家葬前後皆輝光共指親戚大總麻百夫行送
者各有死不須羨其強君看束縛去亦得歸山岡
螫龍三冬卧老鶴萬里心昔時賢俊人未遇猶視今嵇
康不得死孔明有知音又如隴坻松用舍在所尋大哉
霜雪幹歲久爲枯林

昔者龐德公未曾入州府襄陽耆舊間處士節獨苦豈
無濟時策終竟畏羅罟林茂鳥有歸水深魚知聚舉家

隱鹿門劉表焉得取

陶潛避俗翁未必能達道觀其著詩集頗亦恨枯槁達
生豈是足默識蓋不早有子賢與愚何其挂懷抱

天用莫如龍有時繫扶桑頓轡海徒涌神人身更長性
命苟不存英雄徒自強吞聲勿復道真宰意茫茫

地用莫如馬無良復誰記此日千里鳴追風可君意君
看渥洼種態與駑駘異不雜蹄齧間逍遙有能事

下馬古戰場四顧但一作俱茫然風悲浮雲去黃葉墜我

前朽骨穴螻蟻又為蔓草纏故老行歎息今人尚開邊
漢虜互勝負封疆不常全安得廉頗將三軍同晏眠

高秋登塞

一作寒

山南望馬邑州降虜東擊胡壯徒盡不

留穹廬莽牢落上有行雲愁老弱哭道路願聞甲兵休
鄴中事反覆死人積如丘諸將已茅土載驅誰與謀

豐年孰云遲甘澤不在早耕田秋雨足禾黍一作稼已映

道春苗九月交顏色同日老勸汝衡門士勿悲尚枯槁
時來展才力先後無醜好但訝鹿皮翁忘機對芳草

寓言

二首

賈至

春草紛碧色佳人曠無期悠哉千里心欲采商山芝歎
息良會晚如何桃李時懷君晴川上佇立夏雲滋
凜凜秋閨夕綺羅早知寒玉砧調鳴杵始擣機中紈憶

古詩 卷九 四十一
昨別離日桐花覆井欄今來思君時白露盈堦溥聞有
關河信欲寄雙玉盤玉以委貞心盤以薦嘉餐嗟君在
萬里使妾衣帶寬

寓言 二首

王維

朱紱誰家子無乃金張孫驪駒從白馬出入銅龍門問
爾何功德多承明主恩鬪雞平樂館射雉上林園曲陌
車騎盛高堂珠翠繁柰何軒冕貴不與布衣言
君家御溝上垂柳夾朱門列鼎會中貴鳴珂朝至尊生
死在八議窮達由一言須識苦寒士莫矜狐白溫

寓言 三首

李白

周公負斧戣成王何夔夔武王昔不豫剪爪投河湄賢
聖遇讒慝不免人君疑天風拔大木禾黍咸傷萎管蔡
扇蒼蠅公賦鴟鴞詩金滕若不啟忠信誰明之

搖裔雙彩鳳婉孌二青禽往還瑤臺裏鳴舞玉山岑以
歡秦娥意復得王母心區區精衛鳥銜木空哀吟

長安春色歸先入青門道綠楊不自持清一作從風欲傾

倒海燕還秦宮雙飛入簾櫳相思不相見托夢遼城東

寓言 三首

杜甫

高馬勿捶面長魚無損鱗辱馬馬毛焦困魚魚有神君
看磊落士不肯易其身

蕩蕩萬斛船影若揚一作搖白虹起檣必椎牛挂席集衆

功自非風動天莫置大水中

烈士惡多門小人自同調名利苟可取殺身傍權要何

當官曹清爾輩堪一笑

偶作十首同王維作

儲光羲

仲夏日中時草木看欲焦田家惜功力把鋤來東臯顧

望浮雲陰往往誤傷苗歸來悲困極兄嫂共相饒無錢

可沽酒何以解劬勞夜深星漢明庭宇虛寥寥高柳三

五株可以獨逍遙

北山種松柏南山種蒺藜出入雖同趣所尚各有宜孔

丘貴仁義老氏好無為我心若虛空此道將安施

伊闕間踈晚一作晚三伏時高閣入雲中芙蓉滿清池要

自非我室還望南山陲

野老本貧賤冒雨鋤瓜田一畦未及終樹下高枕眠荷

蓀者誰子皤皤來息肩不復問鄉墟相見但依然腹中

無一物高話羲皇年落日臨層隅逍遙望晴川使婦提

蠶筐呼兒榜漁船悠悠泛綠水去摘浦中蓮蓮花豔且

美一作妍使我不能還

浮雲在虛空隨風復卷舒我心方處順動作何憂虞但

言嬰世網不復得閒居迢遞別東國超遙來西都見人

乃恭敬曾不問賢愚雖若不能言中心亦難誣故鄉滿
親戚道遠情日一作日以踈偶欲陳此意復無南飛鳧
草木花葉生相與命爲春當非草木意信是故時人靜
念惻羣物何由知至真狂歌問夫子夫子莫能陳鳳凰
飛且鳴容裔下天津清淨無言語茲焉庶可親
黃河流向東弱水流向西趨舍各有異造化安能齊妾
本邯鄲女生長在叢臺旣聞容見寵復想玄爲妻刻畫
尚風流幸會君招携逶迤歌舞座婉變芙蓉閨日月方
向除恩愛忽焉睽棄置誰復道但悲生不諧羨彼匹婦
意借老常同棲

日暮登春山山鮮雲復輕遠近看春色踟躕新月明仙
人浮丘公對月時吹笙丹鳥飛熠熠蒼蠅亂營營羣動
汨吾真訛言傷我情安得如子晉與之遊太清

眈眈銅鞮宮遙望長數里賓客無多少出入皆珠履朴
儒亦何爲辛苦讀舊史不道無家舍効他養妻子冽冽
玄冬暮衣裳無準擬偶然著道書神人養生理公卿時
見賞賜賚難具紀莫問身後事且論朝夕是

空山暮雨來衆鳥競棲息斯須照夕陽雙雙復撫翼我
念天時好東田有稼穡浮雲蔽川原新流集溝洫徘徊
顧衡宇僮僕邀我食卧覽一作擁牀頭書睡看機中織想

見明膏煎中夜起唧唧

四鄰競豐屋我獨好卑室窈窕高臺中時閒撫清瑟狂
飈動地起拔木乃非一相顧始知悲中心憂且慄蚩蚩
命子弟恨不居高秩日入賓從歸清晨冠蓋出中庭有
奇樹榮早衰復疾此道猶不知微言安可述

偶作六首

王維

楚國有狂夫茫然無心想散髮不冠帶行歌南陌上孔
丘與之言仁義莫能獎未嘗肯問天何事須擊壤復笑
采薇人胡為乃長往

田舍有老翁垂白衡門裏有時農事閒斗酒呼鄰里喧
語茅簷下或坐或復起短褐不為薄園葵固足美動則
長子孫不會向城市五帝與三王古來稱君子干戈將
揖讓畢竟何者是得意苟為樂野田安足鄙且當放一作
忘懷去行行沒餘齒

日夕見太行沈吟未能去問君何以然世網嬰我故小
妹日成長兄弟未有娶家貧祿既薄儲蓄非有素幾迴
欲奮飛踟躕復相顧孫登長嘯臺松竹有遺處相去詎
幾許故人在中路愛染日已薄禪寂日已固忽乎吾將
行寧俟歲云暮

陶潛任天真其性頗耽酒自從棄官來家貧不能有九

月九日時菊花空滿手中心竊自思儻有人送否白衣
攜壺觴果來遺老叟且喜得斟酌安問升與斗奮衣野
田中今日嗟無負兀傲迷東西蓑笠不能守傾倒強行
行酣歌歸五柳生事不曾問肯媿家中婦
趙女彈箜篌復能邯鄲舞夫婿輕薄兒鬪雞事齊主黃
金買歌笑用錢不復數許史相經過高門盈四牡客舍
有儒生昂藏出鄒魯讀書三十年腰下一作無尺組被
服聖人教一生自窮苦

老來懶賦詩惟有老相隨宿世謬詞客前身應畫師不
能捨餘習偶被時一作人知名字本皆是此心還不知

詠史四首

盧照隣

季生昔未達身辱功不成髡鉗爲臺隸灌園變姓名幸
逢滕將軍兼遇曹丘生漢祖廣招納一朝拜公卿百金
孰云重一諾良匪輕廷議斬樊噲羣公寂無聲處身孤
且直遭時坦而平丈夫當如此唯唯何足榮

大漢昔云季小人道遂振玉帛委奄尹斧鑕嬰縉紳邈
哉郭先生卷舒得其真雍容謝朝廷談笑獎人倫在晦
不絕俗處亂不爲親諸侯不得友天子不得臣冲情甄
負甌重價折角巾悠悠天下士相送洛橋津誰知仙舟
上寂寂無四隣

公業負奇志交結盡才雄良田四百頃所食常不充一
 爲侍御史慷慨說何公何公何爲敗吾謀適不同仲穎
 恣殘忍廢興良在躬死人如亂麻天子如轉蓬干戈及
 黃屋荆棘生紫宮鄭生運其謀將以清國戎時來命不
 遂脫身歸山東凜凜千載下穆然懷清風

昔有平陵男姓朱名阿游直髮上衝冠壯氣橫三秋願
 得斬馬劍先斷佞臣頭天子玉檻折將軍丹血流捐生
 不肯拜視死其一作真若休歸來教鄉里童蒙遠相求弟
 子數百人散在十二州三公不敢吏五鹿何能酬名與
 日月懸義與天壤儔何必疲執戟區區在封侯偉哉曠

達士知命固不憂

詠史

張九齡

大德始無頗中智是所是居然已不一况乃務相詭小
 道致泥難巧言因萋毀穰侯或見遲蘓生得陰揣輕旣
 長沙傳重亦邊郡徙勢傾不幸然跡在胡寧爾滄溟所
 爲大江漢日來委一作澄水雖復清魚鱉豈游此賢哉
 有小白讐中有管氏若人不世生悠悠多如彼

詠史

王丘

高潔非養正盛名亦險艱偉哉謝安石携妓入東山雲
 巖響金奏空水灩朱顏蘭露滋香澤松風鳴珮環歌聲

入空盡舞影到池閒杳眇同天上繁華非代間卷舒混
名跡縱誕無憂患何必蘇門子冥然閉清關

詠史

王昌齡

荷畚至洛陽胡馬屯北門天下裂其土豺狼滿中原明
夷方濟世歛翼黃埃昏披雲見龍顏始蒙國士恩位重
謀亦深所舉無遺奔長策寄臨終東南不可吞賢智苟
有時貧賤安一作何所論唯然嵩山老而後知我言

詠史

祖詠

夫差日淫放舉國求妃嬪自謂得王寵代間無美人碧
羅象一作蒙天閣坐輦乘芳春宮女數千騎常遊江水濱

年深玉顏老時薄花粧新拭淚下金殿嬌多不顧身生
前妬歌舞死後同灰塵塚墓令人哀哀於銅雀臺

詠史二首

常建

二妃方訪舜萬里南方懸遠道隔江漢孤舟無歲年不
知蒼梧處氣盡呼青天愁淚變楚竹蛾眉喪湘川後人
立爲廟累世稱其賢過客設祠祭狐狸來坐邊懷古未
忍還猿吟徹空山

楚王竟何去獨自留巫山偏使世人見迢迢江漢一作水

間駐舟春谿一作澤裏皆一作誓願拜靈顏寤寐覩神女金

紗鳴珮環閒豔絕世姿令人氣力微含笑竟一作默不語

化作朝雲飛

詠史十一首

李華

昂藏獬豸獸出自太平年亂代乃潛伏縱人爲禍愆嘗
聞斷馬劍每壯朱雲賢身死名不滅寒風吹墓田精靈
如有在幽憤滿松煙

漢皇修雅樂乘輿臨太學三老與五更天王親割牲一
人調風俗萬國和且平單于驟款塞武庫欲銷兵文物
此朝盛君臣何穆清至今墳壇下如有簫韶聲

巢許在嵩頰陶唐不得臣九州尚洗耳一命安能視縣
邈數千祀丘中誰隱淪朝遊公卿府夕是山林人蒲帛

揚側陋薜蘿爲縉紳九重念入夢三事思降神且設庭
中燎寧窺泉下鱗

漢時征百粵楊僕將樓船幕府功未立江湖已騷然島
夷非敢亂政暴地仍偏得罪因懷壁防身輒控絃三軍
求裂土萬里詎聞天魏闕心猶在旗門首已懸如何得
良吏一爲制方圓

秦滅漢帝興南山有遺老危冠揖萬乘幸得厭征討當
君逐鹿時臣等已枯槁寧知市朝變但覺林泉好高卧
三十年相看成四皓帝言翁甚善見顧願一作願見何不早咸
稱太子仁重義亦尊道側聞驪姬事申生不自保暫出

商山雲竭來趨灑掃東宮成羽翼楚舞傷懷抱後代無
其人戾園滿秋草

日照崑崙上羽人披羽衣乘龍駕雲霧欲往心無違此

山在西北乃是神仙國靈氣皆自然求之不可得何爲

漢武帝精思一作徧羣山糜費巨萬計宮車終不還蒼

蒼茂陵樹足以戒人間

天生忠與義本以佐雍熙何意李司隸而當昏亂時古

墳襄城野斜徑橫秋陂况不禁樵采茅莎無子遺高標

尚可仰精爽今何之一忤中常侍銜寃誰見知常觀黨

錮傳撫卷不勝悲

文侯耽鄭衛一聽一忘餐白雲燕姬舞朱絃趙女彈淫

聲流不返悞蕩日無端獻歲受朝時鳴鐘讌百官兩牀

陳管磬九奏殊未闌對此唯恐卧更能整衣冠

蜀主相諸葛功高名亦尊驅馳千萬衆怒目瞰中原曹

伯任公孫國亡身不存社宮久蕪沒白鴈猶飛翻勿言

君臣合可以濟黎元爲蜀諒不易如曹難復論

六國韓最弱末年尤畏秦鄭生爲韓計且欲疲秦人利

物可分社原情堪滅身咸陽古城下萬頃稻苗新

沂水春可涉泮宮映楊葉麗色異人間珊珊搖珮環展

禽恒一作常獨處深巷生禾黍城上飛海雲城中暗春雨

適來鳴珮者復是誰家女泥沾珠綴履雨濕翠毛簪
 影開蓮臉雷聲飛蕙心自言沂水曲采萍兼采菜歸逕
 雖可尋天陰光景促憐君貞且獨願許君家宿徒勞惜
 衾枕子不顧雙蛾豔質誠可重淫風如禮何周王惑褒
 姒城闕成陂陀

覽史

張良璞

享年八十已歷數窮蒼生七虎門源上咆哮關內鳴建
 都用鶉宿設險因金城舜曲煙火起汾河珠翠明海雲
 引天仗朔雪留邊兵作孽人怨久其亾鬼信盈素靈感
 劉季白馬從子嬰昏虐不務德百代無芳聲

覽史

九首

吳筠

聖人重開濟明道欲救時孔席不暇暖墨突何嘗緇興
 言振頽綱將以有所維君臣恣淫惑風俗日凋衰三代
 業遽隕七雄遂交馳庶物墜塗炭區中若焚絲秦皇燎
 儒術方冊靡孑遺大漢歷五葉斯文復崇推乃驗經籍
 道與世屯同夷弛張固天意設教安能持
 棟宇代巢穴其來自三皇跡生固為累經始增百王瑤
 臺既滅夏瓊室復殞商覆車世不悟秦氏興阿房繼踵
 迷返正漢家崇建章力役弊萬人瓌奇殫八方狗志仍
 未極促齡已云亡侈靡竟何在荆榛生廟堂

吾觀采苓什復感青蠅詩讒佞亂忠孝古今同所悲姦
邪起譖害骨肉相殘夷漢儲殞江充晉嗣滅驪姬天性
猶可間君臣固其宜子胥烹吳鼎文種斷越鉞屈原沈
湘流厥戚咸自貽何不若范蠡扁舟無還期
魯侯祈正術尼父從棄捐漢主思英雄賈生被排遷始
皇重韓子及覩乃不然漢武喜相如旣徵復忘賢遺遠
世咸爾賤今理共然方知古來主難以效當年
晁錯抱遠策爲君納良規削彼諸侯權永用得所宜姦
臣負舊隙乘釁謀相危世主竟不辨身戮宗且夷漢景
稱欽明濫罰猶如斯比干與龍逢殘害何足悲

聖人垂大訓獎義不苟設天道殃頑兇神明佑懿哲斯
言猶影響安得復回穴鯨叟誕英睿唐虞育昏孽盜跖
何延期顏生乃短折魯隱全克讓禍機遂潛結楚穆肆
巨逆福柄奚赫烈田常弑其主作國久罔缺管仲存霸
功世祀成詭說漢氏方版蕩羣閹恣邪譎蹇蹇陳蕃徒
孜孜抗忠節誓期區宇靜爰使兇醜絕謀協事靡從俄
而反誅滅古來若茲類紛擾難盡列道遐理微茫誰爲
我昭晰吾將詢上帝寥廓詎躋轍已矣勿用言忘懷庶
自悅

興亡道之運否泰理所全柰何淳古風旣往不復旋三

皇已散樸五帝初尚賢王業與霸功浮僞日以宣忠誠
及狙詐殺混安可甄餘智入九霄守愚淪重泉永懷巢
居時感涕徒泫然
食其昔未偶落魄爲狂生一朝君臣契雄辨何縱橫運
籌康漢業憑軾下齊城旣以智所達還爲智所烹豈若
終貧賤酣歌本無營

絳侯成大績賞厚位仍尊一朝對獄吏榮辱安可論蘇
生佩六印奕奕爲殃源主父食五鼎昭昭成禍根李斯
佐二辟巨釁鍾其門霍孟翼三后伊戚及後昆天人忌
盈滿茲理固永存方知得意者何必乘朱輪滅景栖遠

此謀誠足敦
對清樽二疏返海濱蔣詡歸林園瀟灑去物累

詠史 二首

張謂

子陵沒已久讀史思其賢誰謂潁陽人千秋如比肩嘗
聞漢皇帝一作光武曾是曠周旋名位苟無心對君猶可眠
東過富春渚樂此佳山川夜臥松下月朝看江上煙釣
時如有待釣罷應忘筌生事在林壑悠悠經暮年如今
七里瀨一作難遺迹尚依然高臺竟寂寞流水空潺湲

龐公南郡人家在襄陽里何處偏來往襄陽東坡是誓
將業田種終得保妻子何言二千石乃欲勸吾仕鸛鵲

巢茂林鼃鼃穴深水萬物從所欲吾心亦如此不見鹿
門山朝朝白雲起采藥復采樵優游終暮齒

詠太公

一作太公哀晚遇

常建

日出渭流白文王畋獵時釣翁在蘆葦川澤無熊羆詔
書起遺賢匹馬令致辭因稱江海人臣老筋力衰遲遲
詣天車怏怏悟靈龜兵馬更不獵君臣皆共怡同車至
咸陽心影無磷緇四牡玉墀下一言為帝師王侯擁朱
門軒蓋耀長逵古來榮華人遭遇誰知之落日懸桑榆
光景有頓虧倏忽天地人雖貴將何為

詠漢高祖

王珪

漢祖起豐沛乘運以躡鱗手奮二尺劍西滅無道秦十
月五星聚七年四海賓高抗威宇宙貴有天下人憶昔
與項王契濶時未伸鴻門既薄蝕滎陽亦蒙塵虜虜生
介冑將卒多苦辛爪牙驅信越腹心謀張陳赫赫西楚
國化為丘與榛

詠淮陰侯

秦王日凶慝豪傑爭其亡信亦胡為者劍歌從項梁項
羽不能用脫身歸漢王道契君臣合時來名位彰北討
燕承命東驅楚絕糧斬龍堰濉水擒豹潛夏陽功成享
天祿建旗還南昌金千答漂母錢百酌下鄉吉凶成糾

古詩 卷九 五十五
纏倚伏難預詳
弓藏狡兔盡慷慨
念心傷

詠商山四皓

李白

白髮四老人
昂藏南山側
偃蹇松雪間
冥翳不可識
雲牕拂青靄
石壁橫翠色
龍虎方戰爭
於焉自休息
秦人失金鏡
漢祖昇紫極
陰虹濁太陽
前星遂淪匿
一行佐明兩
倏起生羽翼
功成身不居
舒卷在胷臆
窅冥合元化
茫昧信難測
飛聲塞天衢
萬古仰遺跡

詠李陵

王維

漢家李將軍
三代將門子
結髮有奇策
少年成壯士
長驅塞上兒
深入單于壘
旌旗列相向
簫鼓悲何已
日暮沙漠陲
戰聲煙塵裏
將令驕虜滅
豈獨名王侍
旣失大軍援
遂嬰穹廬恥
少小蒙漢恩
何堪坐思此
深衷欲有報
投軀未能死
引領望子卿
非君誰相理

詠蘇武

李白

蘇武在匈奴
十年持漢節
白鴈上林飛
空傳一書札
牧羊邊地苦
落日歸心絕
渴飲月窟水
饑餐天上雪
東還沙塞一作漠
遠北愴河梁
別泣把李陵
衣相看淚成血

詠諸葛武侯

贈長安崔少府叔封昆季

漢道昔云季
羣雄方戰爭
霸圖各未立
割據資豪英
赤伏起頽運
臥龍得孔明
當其南陽時
隴畝躬自耕
魚水

三顧合風雲四海生武侯立岷蜀壯志吞咸京何人先
見許但有崔州平余亦草間人頗懷拯物情晚途值子
玉華髮同衰榮託意在經濟結交為弟兄無令管與鮑
千載獨知名

詠王右軍

右軍本清真瀟灑在風塵山陰遇羽客愛此好鶩賓掃
素寫道經筆精妙入神書罷籠鶩去何曾別主人

詠上元夫人

上元誰夫人偏得王母嬌嗟峨三角髻餘髮散垂腰裘
披青毛錦身着赤霜袍手提羸女兒閒與鳳吹簫肩語

西自笑忽然隨風飄

詠湘夫人

李頎

九嶷日已暮三湘雲復愁宵靄羅袂色潺湲江水流佳
期來北渚捐佩一作玦在芳洲

詠息夫人

宋之問

可憐楚破息腸斷息夫人仍為泉下骨不作楚王嬪楚
王寵莫盛息君情更親情親怨生別一朝俱殺身

前題

王維

莫以今時寵能忘舊日恩看花滿眼淚不共楚王言

詠西施

艷色天下重西施寧久微朝仍一作越谿女暮備吳宮
 妃賤日豈殊衆貴來方悟稀邀人傳香一作粉不自着
 羅衣君寵益嬌態君憐無是非當時浣紗伴莫得同車
 歸持謝一作鄰家子效顰安可希

前題

李白

西施越谿女出自苧蘿山秀色掩今古荷花羞玉顏浣
 紗弄碧水自與清波間皓齒信難開沈吟碧雲間句踐
 徵絕豔揚蛾入吳關提攜館娃宮杳眇詎可攀一破夫
 差國千秋竟不還

唐詩所第九卷終

